



Steinløe i Dalstø - gnr 19 bnr 5 – Meland kommune

Fredag 5. januar var Kulturverntenesta i Nordhordland på synfaring til gnr 19, bnr 5 i Dalstø i Meland kommune. Bakgrunnen for synfaringa var at eigar ville ha ei vurdering av tilstand og kulturminneverdi til steinløa.

Løa er i to etasje med flor/fjøs nede og løe oppe. Den har ei nesten kvadratisk grunnflate (ca 7x7m) er reist i tørrmur og har villskifer på taket. Alderen på løa er ikkje kjend, men konstruksjonsmåte og plassering med møneretninga på tvers av dalføret tilseier høg alder. I Nordhordland, særleg i Meland, er det mange konstruksjonar i tørrmur; som vernemurar for våningshus, løer og naust, i jordkjellarar samt i rekke andre byggverk. Den utstrekke bruken av tørrmur er eit særtrekk for Nordhordland. Sjølv om slike konstruksjonar er vanlege å sjå i landskapet her er det uvanleg å sjå slike bygningar som løa i Dalstø med stein i både veggjar og tak.

Det er no lekkasje i taket og fleire av sperrene er i ferd med å gje etter. Difor må skiferen merkast og takast ned, sutak må merkast og takast ned, sperr må bytast/forsterkast. Deretter må det gamle sutaket, som er gamle båtbord, leggast på plass att før skiferen vert lagt på til slutt.

Med bakgrunn i ovanforståande tilhøve meiner Kulturverntenesta i Nordhordland at løa i Dalstø, gnr 19 bnr 5, har høg kulturminneverdi.

Arild Sætre
Sivilarkitekt
Kulturverntenesta i Nordhordland
Museumssenteret i Hordaland